

鐵橋志書下卷

周祚新又新閱

黔楚門人扶 綱允常選

潘 馴駿公較

余以甲子年六月十九日提兵渡江幾葬
江魚誓成鐵橋肇工於戊辰孟春落成
於庚午冬仲三載告竣志喜

廣陵同人朱家民著

牂牁形勢自雲盤山插層霄萬疊寒地險難容

江立柱神工止許鐵爲欄人從蜃市樓中現我
在金鰲背上看三載胼胝今底定伏波銅柱照
噴岬

漢馬援創墩造橋木石
難架今墩趾尚存云

橋工竣次第建石城十一座告成志喜

畫破青山路一條走鞭飛鐵去來遙礙天巖樹
冬先發鎖磴溪雲晝不銷耕鑿止聞歌 帝力
車驂不復畏兵驕金湯聯絡 皇輿鞏盡職何
功敢任勞

大願寺五層觀音閣落成志喜

鳥道盤雲上碧霄迴環衣帶瞰洪濤閭浮國土
迷華藏舍利天宮跨妙高 御墨九重標堞雉

城橋悉荷
勅賜諸名

越裳萬里達繩橋疆場幾載頭顱白

一倚天風散鬱陶

橋成繪圖寄兒潮遠

曾傳此處有龍潭倒峽傾湫險不堪法亂三章
苗部惡舟沉萬斛水神婪伏波築石難爲力諸
葛燃犀不可探今日橋成從此去好將圖畫看
江南

按通志紀諸葛武侯討孟獲屯營於此古人
過此有詩云西崦綠江下翠微一盤一曲轉
斜暉彩霞隔水殘虹斷紅樹鳴秋倦鳥歸荒
壘寒輝生燐火疎林暝色帶烟微日邊兵馬
南征去萬里餘光照鐵衣盤江瘴霧騰空前
人道中詩云輕雲連日凝寒色一夜嚴霜重
於雪出門便見兩眼明萬壑千崖同一白日
高三丈氣未溶逢人盡道十年豐我亦聞知
動深想生殺妙理真難窮近午將行三十里
盤江瘴霧騰騰起下車驚訝雙耳聾急喚渡
江莫停止昔年過此亦如之今年深信全無
疑夕陽入城喜不已走筆紀事非云詩
志載楊慎詩云保甸坡前不可畱盤江渡頭
惟一舟驅龍役鵲無靈術誰是尋源博望侯
又詩云湍急沙崩壞石梁毒龍新水沸如湯
西坡人馬爭朝涉南口鳴鷄促曉裝瘴濕黃
茅常帶雨露鋪白草不成霜將軍
既濟焚舟去逐客驚濤一葦航

鐵橋新成賦贈朱大總憲 朱燮元

新從斷岸起樓臺六宇軒軒霽色開
截業俄驚佛日現神奇似借鬼工裁
碧空平展千年柱寶鏡高浮一點埃
坐看蜃蛟俛首去三微春色自天來

又呂仙堂小憩 同前

荒山劈破亦奇哉爭看真仙跨鶴來
笛韻依稀蘇困瘁劍芒飛舞拂星埃
紫雲橫罩天垂後白浪初恬壑不哀
更有丹符超毒劫黔南氣色自

今開

崇禎四年孟春月兩次過此題

盤江鐵橋新成同翁朱大總憲招飲江樓

新城入望因賦

張允登

水滴山盤帶遠荒初成堞雉架鼉梁雲連叠嶂

題宸宇烽息群蠻轢漢疆秋水林巒清瘴月

宴開高閣引新涼主人謙退歸成績為問何如

李贇皇

朱同翁總憲架鐵橋盤江上制奇壯可百

世賴予使黔滇過其上漫成二律

崇禎戊辰

菊月初五日賦

張鏡心

兩岸東江江水狂誰從山半架飛梁青條縊雨

虛烏鵲金索橫空鎖鳳皇采石何勞歌瓠子勾

關端可渡慈航橋成免使驪翁瞰鐵纜千秋鎮

夜郎

其二

萬里盤江裂地來巨靈掌劈半山開波騰斷峽

虛蘭楫石咽濤聲走怒雷湧霧迷漫千嶂合穿

雲繚繞一龍迴從今人渡金繩上共賴君饒濟

世才

渡盤江鐵橋

巳巳四月既望過此賦

閃繼廸

縹緲滇雲西海邊朝宗一綫夜郎川鯨鯢慣作
潢池浪蟠蝮誰將鐵索編閣棧半空雄漢壘輿
徒千古破江煙使君自是平成手琛貢西南又
燕然

渡盤江鐵橋

辛未秋

王維章

扼塞飛霓結構精識者矜奇稱小葛我從金齒
渡滄江苦霧侵晨半空闕遺橋知自武侯來千

古津梁綴天末牂牁危塹紀盤江諸蠻謬擬鴻
溝割重譯 天朝數百年獠豈容睨近闔江

阜內外悉冠裳深潭鱗介徒掀潑公無渡河行
路難筮篋彈出孤雲遏作者如斯信有心卧龍
絕代同超越金繩寶筏在人間番人合掌相驚
怛迤邐周綿十一城錯繡裁雲爭巖薛多君更
有濟川才運籌握要先聲奪井鬼星分天漢長
連珠縛取鼉鼉渴仙梵參差縹緲間宛轉網維
君意濶揭地金剛共護持窮荒恍見邊菩薩毒

龍遠竄瘴鬼藏安然一葦乘衣鉢君不見天弧
遠射落旄頭燁燁長庚在上流萬里梯航山海
國梅花吹徹夜郎秋

曉渡鐵橋賦寄總憲朱公 張瑞圖

夙興寒尚峭鷄犬隔江喧戴月盤山磴推雲渡
鐵門扶繩登冉冉與鶴共軒軒鬼斧君能運吾
尋博望源

登鐵橋爲總憲朱公造賦以請政

尹伸

穹山相擠排江形載一線怒濤余恐張淵泓何
敢瞰鼉鼉不肯梁滇黔是中斷小人疲涉行長
者生悲願在茲木石窮金乃濟其變鐵質自癡
重用之如羽翰銀鐙振雲響行人在天半車馬
日康莊懷去自魂顛不知頻動搖所以成安奠
亦如凌雲臺梁棟天風轉虹力之所餘幻出許
樓殿金僊居上頭豺虎心俱善東西相凌乘兩
崖遞流盼燈影及寒星潭光最昏且千古大慈
隱翻忘利涉便

金華志書 卷一
渡鐵橋走筆贈朱同翁

王錫袞

盤江始自武潯次犇流萬里勢滌滌兩岸雄關
插碧天一線羊腸山嶽嶮我觸雲流倒瀉來逆
望澎湃無時輟幾載舟人發權艱分風沿沂心
膽裂天生英傑拯民溺獨創慈航志已決對此
江神誓此身一片精誠鬼神徹飛梯何須藉鰲
背金繩直嵌山之側橫空貫索插雲谿補天接
地真竒絕曾聞羅浮道士作浮橋風雨薄蝕虞
飄折又聞飛閣用石鹽百年那得堅如鐵嗟哉
我公爲禹之功臣奚止云商家之舟楫祇令南
北去住無望洋直令萬禩懷明德

盤江鐵橋新成過而喜賦 區龍禎

河水西來遠盤江達夜郎作緣成寶筏爲政創
周行閣瞰千峯峻橋通八極長百蠻今戢服歸
欵盡梯航

黔之盤江懸崖峭聳湍流迅急行者望洋

却步予適欽恤過此值同人朱公鐵鎖

成橋濟渡功德無量感而賦此

辛未
季夏

岳鍾秀

誰從江畔架長虹兩岸茫茫一線通寶筏引開
方便路金繩飛渡水晶宮輪蹄穩步無煩楫羽
翰憑虛可御風羨君自是擎天手愧我題橋賦
未工

同人朱公鎮黔南於要害處建城十一座
以杜苗患功業偉然蒙 聖恩欽賜城
名千古之盛也俚言志喜

同前

崇墉屹立壯金湯碁布星羅地脉長合爲五六
成陽數按就東西占勝方謾誇剏建膚功遠尤
喜標題 御墨香自是蠻夷窺伺息好將勛業
勒旂嘗

同翁公祖鐵橋垂成喜賦 劉宇揚

天險匪梯升地險詎屹濟迅流劃兩山天地亦
受制凌虛出長虹驪龍飲渭勢噴薄鼓霆雷首
尾恣搖曳人身於其間置之在空際疑是御風
游一縷千鈞綴咄彼鞭石勞架疊等甃砌金繩

開覺光霄漢結冥契有之以爲庸無之以爲衛
鬼斧仗神工猛力赴巨慧罔畏非嘗原事事百
千計帶礪如有盟永被此苗裔

渡盤江鐵橋羨朱同翁老公祖制作之巧
功德之隆聊成一律以紀盛美

何龍禎

盤江洶湧深難量幾犯波臣最可傷誰引金繩
開寶筏頓教玉柱鎖津梁架空真羨濟川手履
砥爭歌渡世航從此西南無險道鴻助千載勒

蠻方

總憲朱同翁往平酋警持檄通關查夜半

渡兵誓創此橋三年遂果其願道經盤

江感頌賦此

關嶺查城黔南地名也

張邦翼

萬壑潺湲此最雄憂深一葦逗長風石門對峙
鯨波歛鐵纜橫飛鳥道通穹夜濟河身似葉憑
虛作楫氣如虹名根好向中流斷慈筏何緣到
此翁

題鐵橋

文士昂

金瓶志書 下卷 九 紫陽書院
停轡登梁看壯濤冷然仙御迥無囂千年流水
今如砥萬里津門不問躬冠冕南通鰲海濶烽
煙西靜鵲河高渡罌莫羨淮陰謫會見磨崖勒
大勞

渡鐵橋爲同翁年臺賦

楊方盛

利涉杠梁自古傳誰如此地助登仙謾云鰲足
堪撐地須信丹心自補天忙殺石龍難阻渡便
宜祖逃早加鞭鯨鯢莫弄滔天浪漲海於今有
鐵船

題盤江鐵橋

陳良謨

原名天工

鴻濛天險阿誰劈無底盤流岸轉側毒霧漲塞
晝不開陰颶怒號夜尤逆猿猱怯步愁攀援蛟
鱷將饑蠹頭額滿渡風來草欲腥中流浪急壺
難索木闌從此覆江心鐵纜何人繫嶺脊波壓
鯨鯢寶軸寒穴穿龍虎金繩赤鈎連不藉鐸驅
山躡踞依然神運石天半高橫蟠竦居月明深
鎖竈鼉宅江干佛火布祇園碧落女墻成紫陌
鳥道螺峯炤眼青靈濤雲浪浮空白皇華有路

孰司功蠻部無驚誰使格助績崔魏史冊香道
心廣大山川窄劫灰終盡鐵橋存公與聲名天
地赫

渡鐵橋爲同翁老先生題 李 柄

百萬當年事遠征高標銅柱受降城馬援去後
無消息鐵纜爲橋此日行

大觀察朱公盤江鐵橋圖 梁 柄

噴薄排山浪拍空誰從彼岸駕長虹隨波員嶠
驅鰲戴插漢西豐鍊鐵工爲補皇圖覃禹跡更

施慈筏代神功梯航自是窮山海會見遐荒九
譯同

其二

鑄鼎無虞水惟狂迷塗弘濟有津梁金繩長鎖
蛟龍蟄鐵柱全披日月光周道逶遲行碧落神
臯縹渺傍青蒼年來兵氣都銷盡駕海何須羨
洛陽

讀朱總憲盤江鐵鎖橋及新劄諸城圖記

賦政

甘學濶

誰從天塹架長虹
大地山河第一功
烏鵲有情迎過客
金鰲無恙賴仙翁
演黔氣脉兼雲擁
銀漢舟航信海通
漫道雒陽橋最貴
補天勲伐更無窮

其二

矯矯層城四望開
連雲資孔鬱崔嵬
皇圖鞏固千年月
聖澤汪洋萬壑雷
卜築恍通華渚
鶴金湯遙接祖洲
梅遠臣大業歸
明主喜進南山萬壽杯

渡鐵橋感賦

閃仲儼

群峯開徼外
一線指黔中
深峽龍魂冷
奔崖鳥翼通
御風人冉冉
登岸日匆匆
此水知何代
絕聞利濟功

其二

世事寧無偶
滄橋果是奇
劖山躡虎豹
鈎鐵走蛟螭
靜夜重關肅
長春古樹垂
更登巖畔閣
征馬自遲遲

盤江鐵橋行

白紹光

盤江之水何湯湯武潯萬折來汪洋兩山東水
 勢湍急臨流競渡爭存亡朱公東行諳此熟提
 兵更悵川無梁許身死賊不死水卻賊死水氣
 不揚誓將飛橋渡絕壑不使驚濤佐賊狂一念
 精誠動神鬼拮据三載成雲航排空鑄鐵補天
 缺垂虹百丈搖星霜蛟虬退舍不敢怒魍魎潛
 伏無披猖君不見浮槎乘漢犯牛斗支機與世
 何補償又不見玉橋駕空奔月窟霓裳千載滋
 荒唐何如此橋濟省會玉帛南國通冠裳鉅馬

琉璃固其匹浮天亘地難易寧相當當時經營
 盡國手費少功巨隆金湯功成公不居已績仰
 藉佛力增輝光紺宮碧殿插霄漢風鈴玉磬鳴
 琳瑯宋郊書生編篋後君謨宰相營洛陽二事
 古今頌大美經今逼珠標三祥壯哉連城作重
 鎮永奠椎髻雄炎方安能更借巨靈劈開鬼國
 數千里剗平險阻開周行聖主懷柔億萬禩公
 家忠貞世澤俾與同靈長

盤江鐵橋和張湛虛韻 乙亥 秋 張繼孟

微吟非是寫詩狂爲愛虛縣度世梁雲裏異僧
飛片笠月前仙客駕孤凰斷橋何必愁秋水苦
海公然有聖航萬衆俱超迷路去問津不復說
漁郎

其二

從聞斷壑少人來今見危崖一渡開玉柱垂虹
連碧漢金繩引馬震黔雷風波脫卸無翻覆世
路平康任逕回可是濟川真手段乘輿堪陋鄭
僑才

補天祠成志喜

甯建中

橋成勲業滿江臯今古名臣不讓勞鐵鎖津梁
濟世永瀾迴砥柱補天高芳聲激灑圖賢譜惠
澤宣揚入聖褒可是燕然應勒石鳳凰臺畔氣
何豪

再渡盤江鐵橋作

有序

王維章

總憲朱公平蠻後建十一連城復剗盤
江鐵鎖橋梵閣仙亭煥然改色真遐荒
一大竒觀也余辛未秋入滇憇此低回

不忍去率爾成賦未遑入石今赴蜀過

此城垣增麗簡奚囊得舊草付李將軍

勒之 甲戌仲冬

歎罷黃梁又遠征秋風江上暮雲橫虹從鐵遂
吹中出鵲向丹爐煉裏成鎖鑰當關雄虎豹波
濤徹地捲鯢鯨誰知佛子和仙品事業千秋不
為名

夜宿盤江寺城感賦

何闕中

翠雲深處薩雲低為借津梁渡世迷塔鑲流雲

封舍利山橫野樹罩菩提止聞清夜通車馬誰
復遐荒動鼓鼙極羨六更僧睡穩服王不得不
東西

題鶴停軒壁

山陰閨媛

自別錢塘山水後便無題目可吟詩鐵橋那得
人間有傳與西湖風月知 壬申秋仲隨宦之滇南憇此偶成山陰百尺樓中人書

題鐵橋

無名氏

嗟我江南人行到山窮處萬里橋不成終年不

得渡

過盤江鐵鎖橋并新築十一城賦以壯朱

同翁志

孫學詩

江從折木爲天險世有真人架鐵梁撥定雲根
還古岸鎔開刁斗接封疆新城陸續樓頭笛羸
馬從容道上霜事業如君山共水越裳何歲不
來王

題鐵橋

有序

羅志儒

盤江鐵橋方伯朱同翁建也癸酉余以

試滇過覽焉見山峯竒峭水勢洶湧舟
楫有不能施嘆曰此天限南北也不有
是橋恐蜀道上天不爲難矣既濟而南
又見所造連雲等城碁佈星羅直達滇
境噫萬里長城不在是乎遂感成二律
以記之

盤山壁立地圖雄江水西來怒向東不是興臣
開闢手誰教 王國聘朝通輪蹄載驟青雲外
冠蓋遙飛紫霧中從此洛陽堪繼美令人千載

誦神功

其二

天朝屏翰孰與方舟楫千城種種芳仁智爐錘
成鐵鍊忠良肝膽壯金湯平成昔頌三過績保
障今歌萬里長山水高深同帶礪天綿地遠日
爭光

渡鐵橋爲大藩伯朱公賦 鄭覲光

吾生最苦行路難難更難於黔與滇長途旣苦
無醫藥誰期知已近天南鳳池碧筒如有待鱸

堂碑刻紀所進毫端繪出蛟螭吼金石垂青嶼
蚪箋我馬遲遲未着鞭乍聞南腋秋爽騫乃知
山川不足險險之還從文苑間凌空駕虛詫爲
翼跼踖瑣繙非天然巖巖功令日星炳三尺稟
若止諸平念言道路揮斤子徐于周道勿縱橫
渡鐵橋爲同翁老寅臺賦 廖起巘

世人自矜讀水經哆口學書攻絕越不知神禹
師者誰仰觀俯察如眉列我歷黔中廿載餘日
聆朱翁霏玉屑眼見當日滇雲開日擊當年鐵

橋烈朱翁此日守威清孤身便探虎狼穴暮月
不見檄書飛踰時競詫咽喉決旌旗忽然捲雲
邊弓刀未覺衣裘裂一揮烏道入轡來生還耻
向兒女說江流青石魚龍吼獨力經始多肘掣
朱翁恩怨任他人功成何必存故業千金敝箒
採生靈萬口譎謔赴饑渴黔南拮据盡盤根隨
地艱危無錯節碑石纍纍立江沱盤橋一座等
毛睫至今山水波不驚此翁迴腸仍糾結我詠
南山有臺章一字一思借一閱

鐵橋爲朱同人先生平蠻時造勲業爛然

披圖賦贈

陳繼儒

日照雙旌射火山葉榆重見孔明還風雲暗發
鏡歌外號令潛生鐵柱間萬疊水翻臺榭靜三
春花發虎狼閒無因得鞞珍珠履圖上新看定
八蠻

試典竣閱朱同翁鐵橋圖 陳際泰

世路輪移轉高君獨守真衣冠全古氣手眼別
時人駿業標銅久鴻謨制鐵新黔疆崇祀典功

不止通津

題盤江鐵橋

鶴停軒古風一首另梓

胡平運

鐵鎖誰將橫作橋鸞駕鳳翥逼招搖雲拖一縷
聯天塹月映千花印海潮萬國梯航渾失險百
蠻溪壑盡降驕杠梁濟物尋嘗事銅柱功勳許
共標

登盤江觀音閣

同前

拾級高登盡五層莊嚴寶像放光明千峯秀色
歸曇鉢萬壑泉流入梵聲俯檻但看塵擾擾對

禪誰許悟惺惺嗟予有意猶牽俗願借慈航渡
衆生

黔南報平聞朱同翁新建鐵橋賦以懷之

並政

王命璿

廿年分轡五羊隈駿駟新從諭蜀迴邊塞久推
班定遠勛名直駕漢雲臺風高匹馬鞭先着勢
壓千營壁盡開鐵鎖畱銘今日事爲君滿酌太
平杯

渡鐵橋志謝同翁先生

袁繼成

功是雲臺第一流西南無缺補金甌人從圯上
瞻黃石我到渝中識武侯遠謫本非明主意
竒觀得遂化城遊辭君有路金鷄近老去無家
盡角秋

讀張給諫盤江橋詩因壯偉績次韻二首

錄似同翁年臺政

張學懋

百尺奔瀾勢若狂天教巨手作津梁鞭山驅石
疑神鬼截壑盤崖架鳳凰鐵自唐徒有柱貢
琛從此不須航品題勝績畱椽筆珍重垂髫玉

筍郎

其二

一自金繩結構來褰裳不涉遠疆開星橋天柱
橫爲虹音降雪浪雲濤沸若雷進履兩人何處隱
乘槎僊客幾時迴此行得遂懸車願憑眺輪君
濟世才

行鐵橋頌朱同翁德

倪于義

朱公思竒絕盤江遂有橋功流不了水衆渡却
如霄絕壁支危剝空巖泛遠潮魚龍歸約束佛

力練千條

渡鐵橋志勝

吳兆元

峭壁稱天險，奔濤震若雷。
龍知聽法至，鳥解傍人來。
寶筏群生渡，金繩八道開。
乘梁驚瀨瀚，經濟有奇才。

渡天塹雲航

李之麟

荒山歷遍見奇峯，萬里環觀鳥道通。
嬾嬾白雲聯綠樹，嵬嵬梵刹接瓊宮。
盤江爲線來天上，車馬如雲跨水中。
自嘆化工無可似，鎔成鐵鍊走

長虹

閱鐵橋圖寄懷同翁年臺

賀世壽

南去登天未有梯，鐵橋架處與雲齊。
三軍浪裏屯車馬，百尺濤中奏鼓鼙。
萬里華裔金筑界，老年兄弟夜郎西。
聞君治水能如此，澗下龍鱗手自批。

過盤江橋頌功德

周昌祚

幾度曾經借筏來，而今玉鍊鎖山隈。
長江水帶空盤綠，兩望襟橫若孔懷。
牽牛數過何拘歲，叱

馭頻臨豈動哀功著正逢隨日遠令人景仰在
斯回

奉賀朱同翁晉黔左轄時造盤江鐵橋成

榮膺七十初度

姚之典

天生豪傑迥非嘗獨控黔州撫朔方柱世惟憑
三不朽結年須信萬無疆當朝元老威名重大
業中丞姓字香德澤沁人歌永賴綿延國祚慶
流長

奉懷朱同翁兼賀鐵橋勝事

史啓元

色澤分華六詔偏睇言旌戟久臨邊駑材自甘
雲石老鴻名直挂鼎彝先舟車大筏行天棧烽
火西陲熄塞烟世界昇平沾異國負暄猶足野
人眠

題鐵橋圖用姚賡唐韻

趙時用

盤江功德勒旂嘗方伯胸中有大方鎖鑰鐵橋
垂永奠鑄成寶筏渡無疆萬年宸極金甌固千
載臣貞玉曆香帶礪山河稱不老繩繩駿祉與

天長

鐵橋圖歌為朱老大人賦 韓如愈

武潯千里起洪濤流到盤江水怒號深淵滙作
驪龍窟剡木難成彩鷁舫可憐病涉古來子波
衝船覆久滔滔真黔迢迢因江斷誰將江水灑
征袍我公毅然提師旅中宵仗劍渡江臯膽義
通身能不有人溺猶已厯焦勞計窮木石無堪
役鍊金浮水匠心高連環鐵鎖幾千萬直繫盤
江龍與蛟舟楫從今免厲涉輪蹄攸往樂翔翺

更有連雲城幾座江干屹峙勢雄豪重關列宇
凌虛閣析擊鐘鳴鼓我橐水閭終古就金索磐
石亘天仰節旄天生我公能平政輿梁濟物輕
如毛天生我公能戡亂章甫却萊快如刀金湯
帶礪勲業壯地久天長姓字標

題盤江鐵橋 陳 達

聞道盤江絕岸縣虹橋俄起向雲邊鐵穿鯨背
清流寂鎖結龍門紫氣纏百煉功成縮地巧千
鈞力運補天玄無煩驅石驚神異竒構應能萬

古傳

題大慈悲功德橋

蔡耀初

蠹蠹穹崖聽鳥咽翠微盡處碧江鮮浪花半舞
津門雨屨氣全蒸石嶂烟閣上慈悲傳浩劫渡
頭蟠竦老千年 聖朝自是隆藩鎮鳳口絲綸
獎濟川

題鐵橋圖

張國紳

盤山截嶽俯江臯吐出虹蜺繫怒濤萬里長風
通鐵路一潭寒水肅慈橋鵲河雲鎖魚龍遠鷺

嶺天籠日月高人幸太平無險阻翠微影裏醉
新醪

渡鐵橋爲同翁先生賦

李一鵬

江勢逶迤瀉綠流斷巖夾映老蛟啾誰將鐵索
凌空縊突有金梁跨水浮日繪嵐光來鏡裏煙
扶虹影到樓頭蒼蒼津樹潺潺水風雨憑從破
浪遊

渡鐵橋爲同翁先生志奇

陳 蓋

月下驅龍弄素珠翻驚鐵影匿深盃飛梁帶水

橫霄漢斷峽吞烟宿鶉鷓天塹無塵翳佛日夜
郎有路徹京區中流慈筏安然涉從此西南瑞
氣蘇

渡鐵橋爲大方伯朱公賦 涂必泓

鯨鯢噴沫阻江空捲壑翻濤百尺風好取憑虛
懸寶筏先教襟浪卧長虹山嵐鳥點津門外水
氣人分衣帶中利濟千年王道蕩夕陽帶鎖碧
波紅

渡鐵橋感賦

楊繩武

屹立盤江滄飛梁繫半空九臯來瑞鶴一澗飲
長虹翻浪鯨鯢吼奔雲車馬通我非題柱客踪
跡感飄蓬

題鐵橋圖呈同翁老年臺 陸懋元

從古至人多勸蹟道法千秋各有極磻溪一絲
耀史青盤江獨柱驚天碧天授我翁通咽喉蛟
龍宵遁非人力洪濤拍浪悲罔濟潛渡木鼉鞭
莫及我翁開路瞰地形旋軍關隘圖永澤鎔金
鍊鐵便鑪錘織玉編珠如絡繹不廢壺頭五子

歌何需八載玄圭錫我從向年使天中龍門伊
闕思明德又從容賦駐江西蒲湖赤壁吞浴日
當局豈乏舟楫手溺繇已溺誰緯恤安得我翁
垂不朽黔南滇蜀聯呼吸直指巡方按轡行目
擊盤梁風習習急呼丹青繪佳景蒼虬紫電摘
奎壁灑墨揮毫匪所思間無燕然何足勒

鐵橋篇爲大方伯朱同翁賦

鍾惺

滹沱河水桑乾潮險莫險於盤江橋玄鼉窟近

填烏鵲滄海波平上赤霄尋源七星關浩浩金
沙滿上接太液池橫亘昆明苑人在函關紫氣
東風簾水殿碧芙蓉金繩耀日銀河耿四面勾
欄蕩水中星傳雲槎下城闕電逝飈馳天外越
橋底轟騰響若雷橋畔貞珉明似月可憐渡頭
楊柳烟無橋那得行安然東西車馬分岐路南
北烟霜感歲年年重譯停車嘆去國離邦來
海甸誇示中華賴此橋當今天子重簡練日
邊新下遠臣旌青門落日彩霞生懸知濯錦江

邊夢不及盤江橋上情

讀鐵橋圖記寄呈同翁先生

王思任

水折三湘裏橋飛百濮間化民無訟獄贈客有

江山

謂橋圖也

制鐵龍能避銷兵虎自閒金城方畧

壯常鎮九疑關

寄懷同翁朱老父母

陳演

學叱羊群不解飛多君錘鍊鐵能肥巖珠吐溜
盤僧頂石角舒稜避客衣三載日邊曾有詔

十年天畔未堪違祇應圯上黃公約得識尋源
博浪威

題朱同翁先生鐵橋圖

譚元春

豈有橋爲鐵開圖始信如固非從地出因識補
天餘下陋一江小高凌千尺虛山川欣以濟吾
意未橋初

題愛珠橋

陳璽

狂瀾擊楫架飛虹濟世仙才不可同萬里波濤
消毒癘百蠻荒服播雄風江門勲懋金繩績節

錢名高銅柱功爲問承明誰補袞黔南天外有
孤忠

謁告天宣達祠

張垣

名重中原俠氣雄清朝崇祀冠標銅窮荒飛檄
蠻夷戢斷岸橫虹鳥道通遺澤千秋棠蔭遠宣
威萬里瘴煙空撫碑却憶平成績盡在雲屯指

顧中

頌盤江鐵橋功德

陳應顯

黔湧盤江兩岸湍險雄天塹渡舟難濟川巨手

虹飛達拯溺慈航鼇戴寬鐵纜穿岩開大筏金
墩立水障狂瀾任肩宇宙忠助茂台鼎調梅佐
治安

渡鐵橋漫興

有引

尹嘉顯

黔自苗寇虔劉處處蓬蒿賴方伯公經
畧威鎮西南小醜跡斂遂鼎造諸城延
袞千里藩垣旣鞏迄盤江飛架金梁騶
輿負戴咸不病涉顯從滇卸役東歸馬
蹄踏處無不嘖嘖安攘殊勲因謁告天

宣達祠喜而賦此

已巳
季夏

連城鐵甕鎖黔州
梁架金鰲砥橫流
西賊膽寒韓范畧
南藩威鎮虎方猷
瑞光滉漾千屯曉
肅氣蕭森六月秋
百代桐鄉崇祀典
朱門人誦濟川舟

傑閣臨眺

同前

獨步層樓俯翠峨
動評今古許誰多
峴峯遙憶羊開府
銅柱重標馬伏波
隔岸九迴環鐵鍊
飛泉一帶瀉銀河
登臨莫惜鷓鴣杓
醉倚危欄一

嘯歌

渡盤江鐵橋

李廣

自古盤江苦舟楫
天教佛子架長虹
鐵纜廓開龍虎穴
金繩牢鎖鳳凰宮
日邊來使憑雲度
天外行人覺路通
漫道甘棠遺惠遠
鴻工還與補天同

盤江鐵橋賦頌功德

龔勝先

誰作津梁永濟邊
畫圖堪入此山川
風波不蕩往來坦
道路清平政惠編
鐵纜橫穿鯨背險
危

樓斜插翠雲巔金湯鞏固垂千古天塹雄關列
自然

題盤江鐵橋

壬申臘日使
滇過此賦

姜思睿

余家東南負大澤蛟門吼浪連夏貊扶桑跳浴
炤流黃鰲柱西撐漏天隙飛鳶站站墮水中牂
牂夜郎勢灑濶三峽崩奔駭下流五溪迴溯驚
上逆我來度越萬峯頭下瞰盤江聞疾霹夾岸
危蹊手可招急溜漩舟嗟翻蹶巨靈已擘不復
補秦鞭空走女媧石鴻濛混混到於今誰遣長

虹駕飛脊爾時毒霧擁狂瀾堆骨如丘川盡赤
井鬼星占太白纏長庚八月光奕奕化作朱公
袖中椎奮擊蠻烟掃怒颺誓挽盤流洗甲兵銷
金纍纍如貫索無須刑馬告荒津投壁盟河陋
往昔縋巖鑿磴引空梁簇簇龍蛇三百尺曲者
成鈎直者矢神鎔鬼冶矜矧獲降魔願力具金
剛寶筏仍登菩薩席巍峩殿閣貯金身作者是
佛非假借六詔雲開五色天百蠻從此重九譯
磨崖勒句不堪傳因公不朽畱勝迹

之任永寧過盤江鐵鎖橋憇呂僊祠恭賦

志勝

徐葆泰

鎖鑰西南見大才盤江一道鐵橋開駢行每或
驚鰲動競渡何須放鶴回兩岸人烟沉壁壘中
流虹影見樓臺宦遊憇此情無限安得僊翁跨
鶴來

題新建石龍寺

李皇猷

滇南大士闡禪玄聽偈山龍伏座前紫竹林開
消瘴癘青蓮池滌淨烽烟慈風披拂乾坤變慧

炤空懸法象圓從此靈山稱盛地曇雲甘露灑

千川

石龍自地中出現盤旋十丈有餘八角鱗甲畢具因建刹焉

題鐵橋

熊邦榮

長虹橫亘倚山湫梵刹高懸一盼收自訝空中
通鳥道還疑海上吐蜃樓不施寶筏成飛渡似
跨金龍作霧遊來往無驚垂永賴錫圭端並幾
千秋

閱鐵橋圖賦贈同翁先生 鄭二陽

蛟龍鼓浪闖危川豈是憑虛蟒竦懸百道金繩

爭補地千尋鐵軸莽驚天西羌靜鎖連雲棧東
海長環下瀨船萬里輿圖皇路穩星軺馳驟羨
昇仙

題鐵橋圖寄贈同翁老宗臺

朱大典

重臣分陝出朝端賓從威儀識范韓李白遠留

唐歲月

李白遷謫於此

馬援猶祀漢衣冠日邊旌節駢

南詔天末貔貅靖百蠻江勢鐵橋雄鎖鑰堯山

禹跡壯奇觀